

---

TOUAZIÈM CHAPIT  
**Mouin kouè nan Éspri-Sin-an**

- 683           « Pèsonn pa kapab di : “Granmèt Jézu” si sé pa nan Éspri Sin-an » (1  
424, 2670   Co 12, 3). « Bondié voyé Éspri Pitit li-a nan kè nou, l-ap rélé : « Aba,  
152       Papa ! » (Ga 4, 6). Konésans lafoua sa-a pa posib si sé pa nan Éspri-Sin-  
an. Pou yon moun vîn an kominion avèk Kris-la, li nésésè pou toudabò  
Éspri-Sin-an touché-l. Li-minm li pran dévan nou épi li révéyé lafoua-a  
nan nou. Palintèmediè Batèm nou-an, premié sakréman lafoua-a, lavi-a ki  
gin sous-li nan Papa-a épi yo ofri nou nan Pitit-la, vîn kominiké yon fason  
intim épi pèsonèl nan l’Égliz-la gras a Éspri-Sin-an :
- 249           Batèm-nan « ba nou lagras nouvo nésans-la nan Bondié Papa-a palintèmediè  
Pitit li-a nan Éspri-Sin-an. Paské moun ki poté Éspri Bondié-a, yo kondui yo  
koté Paròl-la, sètadi, Pitit-la ; min Pitit-la prezanté yo bay Papa-a épi Papa-a  
ba yo pou yo pa dékonpozé. Sé poutèt sa, san Éspri-a li pa posib pou ouè  
Pitit Bondié-a, épi san Pitit-la pèsonn pa kapab proché kot Papa-a, paské  
konésans Papa-a sé Pitit-la épi konésans Pitit Bondié-a fèt palintèmediè  
Éspri-Sin-an » (S. Irénée, dem. 7).
- 684           Éspri-Sin-an, ak lagras li-a, sé li ki vîn an premié nan révéyé lafoua-  
nou épi nan nouvo lavi-a sètadi « konnin ou minm, sèl Bondié tout bon  
vré a, épi sa-a ou voyé-a, Jézu-Kri (Jn 17, 3). Poutan sé li-minm ki vini  
an dènié nan révélasion Pèrsòn Trè Sint Trinité-a. Sin Grégoua de  
236       Nazianz, « Téolojiyan-an », ékspliké progrésion sa-a palintèmediè pédagoji  
Bondié ki « désann nan nivo nou » :
- « Ansyin Téstaman-an té préché Papa-a klèman, Pitit-la yon fason pi nan  
fènoua. Nouvo-a minm montré nou Pitit-la byin klè épi divinité Éspri-a li té  
indiké-l anba yon fason ki fènoua. Koulié-a minm Éspri-a li-minm prezanté  
ba nou, li déklaré pròp tèt-li byin klè. Réyéلمان sa pa-t asiré pou antan yo  
poko déklaré rékonèt divinité Papa-a, yo t-a préché Pitit-la aklè : ni lè yo  
po-t ko admèt divinité Pitit-la, pou yo t-a ajouté Éspri-Sin-a tankou yon chaj  
pi lou pou fè-n poté-l, si nou t-a kapab palé konsa : [...] sé pito antan l-ap  
avansé an silans épi [...] l-ap monté, épi « sot nan klèté al nan klèté » ak  
progrésion épi ak kouasans, limiè Trinité-a t-a kléré ak ékla » (S. Grégoire  
de Naz., or. theol. 5, 26 : PG 36, 161C).
- 685           Kouè nan Éspri-Sin-an donk sé déklaré rékonèt Éspri-Sin-an sé youn  
nan Pèrsòn Trè Sint Trinité-a, ki gin minm substans (égzistans, natu) ak  
Papa-a épi ak Pitit-la, « yo adoré-l ansanm ak Papa-a ansanm ak Pitit-la é  
li jouinn minm louanj avèk yo » (Symbole de Nicée-Constantinople). Sé  
poutèt sa, yo té pozé kèsion osijè mistè Bondié Éspri-Sin-an nan « téoloji

236 trinitè-a ». Isit-la minm y-ap palé osijè Éspri-Sin-an sèlman nan sa-k konsèné « Dispozision » Bondié-a (« Économie divine »).

686 Éspri-Sin-an ap travay ansanm ak Papa-a ak Pitit-la dépi nan  
258 kòmansman jous nan finisman projè pou sovè nou-an. Min sé sèlman « nan dènié tan-yo » ki inogiré apati Inkarnasion Pitit-la ki rachté nou-an, yo révéle-l épi yo bay li, yo konnin-l épi yo résévoua-l kòm Pèrsòn. Lè sa-a projè Bondié-a, ki akonpli nan Kris-la, « Prèmié pitit » épi Tèt nouvo kréasion-an, ap kapab pran yon kò nan ras moun-nan palintèmediè vidé yo vidé Éspri-a : l'Égliz-la, kominion sin-yo, padon péché-yo, rézireksion chè-a, lavi pou tout tan-an.

[◀Atik  
anvan-an](#)

[Gid jénéral-la](#)

[Atik▶  
après-a](#)